

佛說大藏正教
血盆經

籍保

書

佛說大藏正教血盆經

尔時目連尊者昔日往到羽州追陽縣見一
血盆池地獄闊八萬四千由旬池中有一百
二十件事鐵梁鐵柱鐵枷鐵鎖見南閻浮提
許多女人披頭散髮長枷扭手在地獄中受
罪獄卒鬼王一日三度將血勒教罪人喫此



時罪人不甘伏喫遂被獄主將鐵棒打作叫
聲目連悲哀問獄主不見南閻浮提丈夫之
人受此苦報只見許多女人受其苦痛獄主
答言不干丈夫之事只是女人產下血露污
觸地神并穢污衣裳將去溪河洗澤水流污
漫悞諸善男信女取水煎茶供養諸聖致令
不淨天大將軍劄下名字附在善惡簿中候
百年命終之後受此苦報目連悲哀遂問獄
主將何報答產生阿娘之恩出離血盆池地
獄獄主答師言惟有一心孝順男女敬重三
寶更為阿娘持血盆齋三年零六十日仍結
血盆勝會請僧轉誦此經一歲滿日懺散便

有般若船載過奈何江岸看見血盆池中有
五朵蓮花出現罪人歡喜心生慚愧便超生
佛地諸大菩薩及目連尊者啓告奉勸南閻
浮提人信善男女早覺脩取大辦前程莫教
失手萬劫難逢佛說女人血盆經若有信心
書寫受持令得三世母親盡得生天受諸快
樂衣食自然長命富貴爾時天龍八部人非
人等皆大歡喜信受奉行作禮而去

佛說大藏正教血盆經

補闕真言

南無喝囉怛那哆囉夜耶佉囉

法囉二俱住俱住三摩囉摩囉四虎囉五吽

六賀賀七蘇怛拏八吽九撥抹拏十娑婆訶

禮念無量寶塔文

志心皈命禮靈山會上釋迦尊報答爺娘養
育恩十月懷耽娘辛苦三年乳哺母辛勤養
我一身無報答發心齋戒禮血盆在堂父母
增延壽過去父母早起生大慈大悲大願大
力禮血盆尊者菩薩摩訶薩無量寶塔

京都順天府大興縣仁壽坊居住奉
佛信人高信同妻沈氏上侍母親侯氏
伏為自身染患瘡疾不安發心印施
此經一歲散布流通吉祥如意者

年 月

日施



